


竹書存稿

特 257
507



始



持 257
507



办
卷
存
稿



山下魏八郎氏寄贈本



命	青	鼓	山	醉	臣	昨	讀	君	分
誰	雲	七	城	洋	相	日	月	目	堂
知	何	卿	日	宮	逐	殺	暗	何	存
用	必	淪	夜	裡	死	一	狂	時	揚
捨	惜	落	管	骨	忠	人	風	暝	
本	時	未	管	山	臣	今	陰	九	限
無	操	遂	結	秋	死	日	雨	原	山
心	持	京	臨	冷	美	殺	村	妖	遺
	骨		亂	泣	人	一	君	氣	詩
	校		而	風	驕	士	宅	依	時
	之		飯	濤	姑	若	命	舊	久
	自		保	壯	撫	家	下	搭	三
	萬		太	州	臺	一	死	乾	年
	金		平	北	上	口	則	坤	七
	苦		上	口	月	屬	死	懷	月
	道		國	北	輪	劍	無	天	
	炎		類	平	高	劍	山	獨	
	涼		年	山	若	思		把	
	成		宣	下	王	使		道	
	成		戰	事	沈	忠		詩	
	薄								

樹：花高三丈紅海棠何擅蜀王宮
豪華留得故差障錦繡春酣名苑中
美六回櫻花五首之一 滋

介堂存稿

古澤滋著

讀平井隈山遺詩 時文久三年七月

君目何時暝九原妖氛依舊捲乾坤
憤來獨把遺詩讀月暗狂風陰雨村

君絕命辭、請看狂風陰雨夜、飄々魂魄遠長天、

讀吳世家 慶應元年秋作、時武市瑞山先生以下賜死或刑死

昨日殺一人今日殺一士君家一口屬鏖劍
忍使忠臣相逐死忠臣死美人驕
姑蘇臺上月輪高君王沈醉深宮裡
胥山秋冷泣風濤 予出獄、示之島本北洲、北洲叱曰、汝欲復下獄、

耶、敢作此等詩、當時事情如此、附記于此、

管絃

山城日夜管絃聲。臨亂南陬保太平。上國頻年喧戰鼓。七卿淪落未還京。

題團扇

青鸞何必描時樣。筠骨稜々自萬金。苦道炎涼成薄命。誰知用捨本無心。

獄中苦熱戲作

烈暑渾如赤壁戰。聚蚊恰似睢陽圍。安掬東瀛洗我足。芙蓉萬丈晚振衣。
勢路炎塵走沒頭。衣焦心熱幾時休。靈臺一片涼於水。縮得琵琶湖萬頃秋。

咏蠅

糞胎纔脫向君傍。不道金階與玉堂。卻愛蜘蛛猛如虎。詩人何苦說豺狼。

涼夜

一天星斗落吟房。光動江山萬點涼。彷彿車家供夜讀。繁螢盛亂碧紗囊。

擬馬關詞

泰山不減岳家軍。肅々霜花拂劍文。一隊健兒齊拜跪。詔書新下獎功勳。

秋風

殷憂何事日京々。況遇秋風萬感生。黨禍纔逃鉄與鉞。罪囚併累父并兄。
身如投檻虎因勢。心似傷弓禽易驚。想得北堂今夜月。守燈愁殺倚闌情。

尾川村謫居

山河何處托吾廬。且就村翁暫賃居。有似飯牛齊寧戚。卻如歌鳳楚狂輿。
洗心西澗雲中水。充腹南園露底蔬。布轆青鞋渾好々。向人敢說出無車。
天地之間一布衣。倚天拔地有靈臺。郭林宗豈諸侯客。龐士元非百里才。

讀覺窮時書有味。吟嗟危路世無媒。莫將名姓題容易。端禮門前刻石來。
無由踏海訪蓬萊。落魄人間歲屢頽。抗力王侯唯有氣。致君堯舜豈其才。
清風終古常依竹。明月多情解識梅。世事平分罪相似。不須感慨首空回。
三年有鳥泣樊籠。虛憶青霄萬里風。例是無金輕季子。誰其急士似周公。
破茅纔借猶憂雨。一劍長磨欲躍空。願莫猜疑吾已矣。澆畦種菜豈英雄。

雨後

竹籬茶塢路相通。家在山光水影中。經雨芭蕉舒尺綠。殿春芍藥駐餘紅。
一枰勝敗論棋勢。半甕乾坤策酒功。起喚沙鳧殊未至。獨依柳外看殘虹。

聞蛙

一村秧雨夜成煙。臥聽蛙聲草閣眠。多事無絃老元亮。北牕本合近春田。

咏史

可憐老媪哺王孫。飽得鷹揚繼渭濱。杜甫佗年思一飯。如何君相是間人。

赴高知途上

六年不上高城路。熟路重來卻訝生。白日曾懸千里志。青山長在故人情。
一村啼鳥花經雨。滿渡春風柳弄晴。整頓乾坤豪俊力。罪餘何幸看昇平。

吊平井隈山墓

故人碑上已生苔。四海橫流挽未回。日月無知真有恨。空山灑淚獨徘徊。

隈山絕命辭、日居月讀、奈吾神吳

上武市瑞山先生墓

久坂玄瑞常稱先生爲天下第一

北斗之南第一人。鷗夷空葬海門濱。還歸故國先酬主。折服東藩始表臣。

三字終成千古恨，孤墳長負四邊春。平生父執兼師誼，低首吞聲灑淚頻。

文久元年、和宮降嫁、有志或謀奪之於路、先生以爲不可遂定、歸藩說主、大舉勤王之議、
文久二年、先生歸歸小路少將東下、賜勅將軍家茂、家茂上表、始署臣字、

宿栗橋

東寧微雨晚蕭々，北去清都次第遙。點檢衣筐預成計，渡江寒氣蒸然饒。

宿宇都宮

不信美人歌一聲，綺綾幾正意猶輕。寒村歲晚漸催稅，打布丁東天欲明。

白河曉發

千金歌舞亂紛々，暖響回春夜宴溫。付與王孫一揮去，雞聲管曉野霜繁。

抵仙臺

明治二年

路出東山東更東，普天何處不相同。千年棄置要荒外，今日還歸甸服中。

邦國新分經廣漠，壤輟齊撫到翁童。蠻琛寶布行頻貢，北海人煙自此通。

石卷縣奉呈山中先生

吟人起上鷺鷥行，吾道如今始有光。孤節支瀾存砥柱，特恩拜詔撫要荒。
百里清風生臥閣，一天明月照琴堂。相如諭蜀宣聲教，重把文章侍漢皇。
山中先生和詩 超然避俗不成行，自少裁文字々光。報國建言曾繫
獄，出身祇役又投荒。潮聲捲地來孤縣，松影依山入古堂。同汝撫民
寒苦切，頻將回暖望東皇。

赴泰西太平洋上作

遠遊更作遠遊客，孤劍單身出海關。風濤洗醒揚州夢，落月長洋夢故山。

太平洋上中秋賞月

碧天無際月輪浮。下有長風萬里舟。此夜此生能再得。太平洋上賞中秋。

龍動客舍贈品川彌次郎

十年故國阻風塵。異域相逢感慨頻。當日東林多烈士。如今四海有誰人。積來白骨終天恨。成就朱門無事春。解道男兒不負死。願君珍重萬金身。

發桑港太平洋上作

金山解纜路何窮。巨舶長洋若駕空。一路航程唯測日。兩輪馬力不由風。天傾南去還傾北。地極西來卻極東。碧鐵欄干遙倚望。芙蓉聳在五雲中。

荅人

我是人間一布衣。青蓑臥在釣魚磯。殷勤高士休相訪。驚起沙鷗不住飛。

和栗本鋤雲讀陶詩

舉目山河非昔日。傷心風物憶當初。江南耆舊凋零盡。獨愛吾廬讀我書。

送澄川拙三亂後赴鹿兒島

單身憐爾上離舟。去向西南亂後州。百二都城風颯々。八千子弟鬼啾々。淡婆姑葉爛經雨。甘薯蒺哇荒易秋。別有狂僧魂可吊。夜深立盡海門頭。

歲晚感懷

此年八月、兄弟處禁獄十年、送于秋田縣禁錮、

孤雁夜南征。哀鳥曉獨鳴。乾風吹日色。凍雨入林聲。誰可相終始。人皆有弟兄。沈吟思宿昔。轉覺道心生。

登樓

落日懸危塔。江城瓦雪消。登樓平野濶。極目暮山遙。憂思美人遠。歸心青旆搖。不須歌古調。世態自淳澆。

夏日二首

催喚園丁汲水澆。愛看翠露迸芭蕉。踈簾不逗斜陽住。滿院涼風晚影搖。
新月初昇界半空。半空如洗半空烘。可憐眉樣纖々影。抵得殘霞段々紅。

寒夜渡琵琶湖

枯蘆敗葦雁聲乾。一夜扁舟客夢寒。瑩徹琵琶湖三萬頃。比良峰雪月中看。

題石川丈山圖

馬上功名各擁旄。誰拋朱紫換吟袍。留將如意一枝鐵。三十六峰清節高。

吊武田耕雲齋以下諸士墓

國步艱難日。間關此隕身。百年空烈士。叢塚獨荒濱。雨露思追贈。蘋蘩欠薦陳。行人多感慨。憑吊淚霑巾。

有客話幕府舊事者有感而作

星斗闌干海月高。羽林鼓角動波濤。橫空鴻雁來三越。捲地風雲接兩毛。

近聞露國有建入冠由敦賀之策者云。將相豪華新第宅。江山羞恥舊腥臊。僧月性詩。七里江山付犬羊。可憐祇有和戎策。

塵委沙銷日本刀。

送家兄放赦歸故里

一鶴遙飛萬里還。到來南海巨濤間。鮫人潛採珊瑚樹。毛女深棲箭筈山。

山在高知西最高。巖者往々見毛女云。晚浦風烟橘柚外。故墟鷄犬楮桑間。知君非復當年健。危磴連

天莫再攀。

奉謝山中先生畫嵐山夏景圖蒙贈

漁歌樵唱數聲長。一幅溪山遠寄將。取次峰巒多意態。乍來風雨欲顛狂。

雲根鹿駭飛泉渴。沙際禽追暮色翔。猶記前橋涼月夕。攜兒曾上賜盃堂。
堂先生所居

龜井戶村訪檜崎寬直

楊柳洲東一水分。蕭々籬落帶斜曛。春風丞相祠前路。不訪梅花獨訪君。

春湖夜泛歌 課題

一鑑三萬六千頃。撐船波間弄月影。湖上人家種梨花。風漾輕雲吹不冷。
夜深何處洞簫聲。帶月縹渺飄空冥。澹烟霏霧人不見。湖心祇有雙洲青。

墨陀江上風甚書所見

海口風來勢莫當。舟船與岸互低昂。白鷗無數飛不下。江水立爲天馬狂。

雨中聞鶯 課題

東風細雨曉寒輕。啼起黃鸝太有情。飛入垂楊隨上下。聽和點滴轉分明。
喬林舊侶好誰憶。斗酒雙柑還獨傾。漫鼓詩腸無氣力。任渠巧作一家聲。

讀吳梅村集 課題

文章詞賦兩朝臣。肯信艱難太苦人。艱難太苦人。自叙中語。幕府徵書催騎日。南宮蓮燭
賜婚春。不應毛義漫同例。直與揚雄爲後身。萬古西臺留記在。布衣臯羽
是遺民。梅村集、有讀宋謝翱西臺慟哭記詩、

觀煮繭 課題

煮繭不須緩。緩抽絲不長。小姑看活火。大婦驗溫湯。寧作釜中泣。祇期身
後光。應供繡黻用。練素莫徒傷。

不忍池上書感 晚翠吟社席上分韵

湖心魚骨似人長。

近渡湖得巨魚骨。長丈許。杜詩。泉出巨魚長比人。

湖上龍精兩耳黃。司苑胡臣狀魁偉。李

波小妹勢騰驤。

古詩李波小妹字雍容。逐馬逐雲如卷蓬。

迴環金埒添重量。簸蕩銀波減舊光。侖儻權

奇今日事。

天馬歌。志何。備志權奇。

鷺鷗何得共翱翔。

睡起看山 課題

睡起如換骨。登樓塵思消。夕陽無遠近。秋色滿岩堯。野客自歸去。巖棲誰見招。白雲時一逗。彷彿聽歌樵。

江村

北風如虎捲江村。辟易漁翁早掩門。隔岸楓櫨明返照。還家鷓鴣趁黃昏。世間歧路何曾極。馬上功名莫與論。一代英雄成白骨。年華蕭颯祇傷魂。

明治六年、西鄉隆盛難、暫居向島、

黃雀

黃雀翻々鴻鵠飛。十年湖海故人稀。雞棲狗杞無今古。白屋朱門有是非。短景郊墟寒颯々。老天雨雪晚霏々。夢中虛寄長相憶。不見江南舊玉妃。

寄土方茶坪

時茶坪居本所、

聞君還臥病。書到倍關情。二月春寒雨。三叉水遠城。官梅風外落。江草夢中生。祇有黃金貴。文章老馬卿。

送島本北洲還土佐

夫子故慷慨。笑談離別間。丹心常北向。白首暫南還。匍匐藩關古。蹉跎佛寺閒。匍匐藩時設關。蹉跎亦山名有寺、憑君爲收拾。猶有幾家山。

奉哭山中先生

西都山水寄高蹤。儒雅風流世所宗。少小長思陪杖屨。如何忽去隔音容。

先生來東京學卒鷺鷥舊侶滿三省。雨露聖恩深九重。最悼天涯魂返夕。茂陵居廢碧

苔封。先生天龍寺神宅。爲東本願寺有矣。

曉起、同向山黃村、步向島堤上、至木母寺

日出仍無事。看花得々來。曉煙低杖屨。江露浥塵埃。野寺僧獨起。酒家門未開。閒人君與我。聊此復徘徊。

良吏

太平年豐穀賤、而聞民艱飢、豈所謂妖也者耶、作良吏一首

漢家良吏古諸侯。持節遙分天子憂。詞氣縱橫輕漫叟。俸錢慚愧笑蘇州。

杜子美同元使君春陵行云、道州憂黎庶、詞氣縱橫、象應物詩、邑有流渠慙俸錢、山開輦道坦周砥。陸引湖渠行粟舟。不信年豐太

平日蒼生命與草根謀。

咏錢課題

誰言無耳可通神。禍福安危總所因。多處寧論成善賈。有權如此是真人。

勦兒快馬歌千古。幽州馬客吟歌辭、快馬嘗告瘦、勦兒常苦貧、黃禾起羸馬、有錢始作人、入關排門勢絕倫。鐵硯書生還愛汝。

不妨當日作名臣。

次寺田望南赴清國留別韵時清佛攝難、

知向三閭廟畔過。沅湘浩々舊時波。山河有恨忠魂少。社稷無靈戰血多。貫斗光芒秋按劍。當筵慷慨夜聽歌。送君維嶽一千丈。意氣遙瞻雲外摩。

哭小室信介

信介與予同時發病、竟不起、去年赴朝鮮、非其志、方謀遊支那而

俄死予深哀之力疾作長律情見乎辭

同時偶病阻同群。豈謂幽明忽竟分。四海交情誰似我。十年心事最憐君。重遊且踏箕封土。壯志終違禹域雲。自此不堪風雨夜。暗窓孤坐誦遺文。

和濱村大澗向島絕句八首錄四

夾水春風兩樣分。朱門甲第曉氤氳。卻從西岨望東岨。花裏人家花外雲。誰愛名花劇愛奴。官堤移植苦相扶。奴心更向花窮處。欲種貞松八百株。大官留賞惜芳菲。晚繫驂驢尚未歸。莫遣驕嘶向江樹。風花萬點不禁飛。可憐兒女巧留芳。總賴江櫻生計忙。紫餅雲衣蒸葉軟。白湯風味點花香。

寄藤澤南岳

關西楊伯起。借問近何如。一別江海過三年。消息踈。遺經傳父業。勝事愛

吾廬。遙憶梅花詠。王仁梅花詠云。浪花津耳左久耶。此花冬籠里今遠春邊登左久耶。古乃波那。長吟感慨餘。

杉浦梅潭晚翠園小集分韻

春深真足惜。清宴此蒙招。花看且經眼。柳憐猶舊腰。梅潭近遣妾去。此日來助酒饌。坐分棋局穩。興入酒盃遙。相約須重過。留連奈短宵。

同向山黃村上愛宕

剩邱何突兀。斗磴此躋攀。百萬雙眸裏。氤氳一氣間。興亡下界換。花木上方閒。莫望將軍寺。催君老淚潸。

雞課題

專棲意氣故同群。放散田園還自欣。鐵距春場回首過。朱冠秋逕映花分。三千珠履空嗟爾。百二秦關不抵君。起舞應非今日事。茅齋半夜帶眠聞。

次韻關根癡堂感懷

負郭誅茅歲月深。風霜無賴苦相侵。三年松作昂藏氣。一樹梅仍鐵石心。
薄采冬菁堪半飯。軟炊甑米抵兼金。悠悠身世隨鴻迹。何用區々戀舊林。

曉起寫懷

課題

歌哭兩無有。杜詩、歡笑俱在曉功名良已踈。每眠高日後。偶起曉鴉初。短髮不盈握。
終朝寧用梳。出門安所適。還復返吾廬。

蓴菜湖上作

湖在北海道

湖亭小立雨過初。銀闕瑤臺涼不如。七月西風蓴菜老。異鄉秋味到鱸魚。

田中內翰關口園林二首

在早稻田村北、東隣即山縣公椿山莊

內翰園林十畝強。依崖枕水領風光。芭蕉菴古經秋雨。穉稷村深逗夕陽。

野客生涯如舊有。玉堂富貴暫相忘。麟々門外聽車馬。總向橋東丞相莊。
客來俱賀主人強。韜略兼看翰墨光。詔草中興須陸贄。軸藏集古繼歐陽。
西南轉餉夢猶壯。風月傷廉情未忘。最喜時平朝退早。小車日々向林莊。

次家兄天游韵

青眼高歌怕倚樓。十年心事憶交遊。儻來軒冕聊言爾。歸去田園不自由。
壯志消磨偏聽雨。舊衫蕭颯易驚秋。有佳竹處儘來往。羨殺風流王子猷。

同向山黃村登海樓分韵

時品川子爵爲公使駐劄獨逸

欲倚長風共一吟。危亭迢遞此登臨。漁村鷗鷺仍閒暇。海戍波濤自古今。
磊々丈夫心白日。悠悠行路事黃金。雁來不帶子卿信。望斷天涯秋色深。

陪井上公遊妙義山

山距公磯部別墅二里許、日夕相望

名山久相望。始到白雲中。咫尺窺天闕。巉巖削鬼工。朱扉祠殿古。金洞石門通。濟勝信稱願。風流陪謝公。

井上公別墅晚晴眺望

高樓宜晚霽。開牖納溪光。林角低春旆。峰尖刺夕陽。雨乾灰壠白。風捲野塵黃。歷々昨來路。遊情殊未央。

上高野山

山路崎嶇到上方。三千零落古禪房。女人堂外裙釵入。佛鳥聲中塔廟荒。白足當年傳弟子。翠華何處訪先皇。殘僧只作求錢計。終日昏々爲客忙。

湘南

一病官休汗漫遊。湘南聊復爲詩留。秀餐千仞芙蓉雪。興落三山罨畫洲。

今日宦情同白傅。他年身迹似隨州。洛橋舊侶無消息。獨自沙頭伴海鷗。

大磯歌

大磯小磯古淘綾。浪淘波蕩沙岸崩。一從王謝開別墅。古驛忽然聲價騰。王公貴人紛雜沓。臨海一帶飛樓興。豪華一世者誰子。氣勢徑欲雲霄凌。神熬叱咤竦不動。殘山屹立專峻嶒。東海揚塵眼復見。大磯兒女繁華矜。人間有力能乃爾。青瑤錦石光輝增。高麗山上鐘磬響。海臯日落蒼煙凝。阿虎貞魂一片石。行公舊迹孤菴燈。

常泉寺 豐臣太閤宅址

豐公乘運眞若龍。一躍直起人奴中。金瓠堂々戡禍亂。四海八載車書同。歸過故里歌大風。英氣落々前古空。惡少逃匿不敢見。昔何孱弱今何雄。

酒酣舊宅捨爲寺。經營不惜萬金費。絕勝漢祖起新豐。敢學蕭翁講金字。
銀杏幢々安在哉。桐章零落敗瓦堆。殘僧延客拜遺像。帷帳漠々昏塵煤。
英雄身後太寂寞。榮華富貴令人哀。蒼茫濃尾興亡地。極目麥隴悽風來。

送品川子爵赴西京二首

離亭握手淚霑巾。世態浮雲現在身。三十年來相識熟。于今君是有情人。

吉田松陰文云。思父有情人。

意氣昂然偉丈夫。丹心一片凜眉鬚。故人白骨無人吊。落日秋風入舊都。

對月

天上萬古一輪月。長與人間照盈缺。人間不識天上事。對月情懷人自別。
積水空明亂荇蘋。坡公只道少閒人。箇中胸宇何瀟灑。雲漢交遊卻未眞。

欲遊函根湖。阻雨不果。悵然有作

玉筍山頭萬頃碧。玉筍山下青谿分。玉筍山函根山別名。竭來槎斷無消息。舉目空望

山頭雲。山雲秋冷晚成雨。亂飄密灑何繽紛。人生失意有如此。高歌一曲

山靈聞。

讀孔北海集

昂々千里駒。北海孔文學。不惜八尺軀。慷慨當猛虎。嗟乎肉食人。悠々安足數。

山縣大將櫻月旗歌

慶應丙寅夏。幕府再擊長州。公將奇兵隊。禦之在下關。六月十七日。黎明渡海。襲東軍於豐前文字浦。及田浦破之。火其營。東軍大

沮、此戰公所執而指麾之旗、畫櫻月、畫者隊長滋野清彥、公題和歌詠志、役畢、卷以爲幅、藏于匣底、二十八年矣、今茲明治二十六年十月十一日夜、公偶出示之、左上半幅太汗變色、蓋臨陣常執、手汗之所致、適滋野中將至同觀、中將即清彥也、公命滋記之、乃作歌一篇、呈下執事

君不見備後三郎十字句、行宮夜白櫻花樹、又不見長州義士心如雪、旗畫櫻花滿樹月、丹青萬古長並垂、指揮能事獨懸絕、暗啞叱咤想當日、依稀半幅餘戰血、霸府積威三百年、咆哮八萬牙中軍、勤王大義久湮晦、諸藩走使徒周旋、銜枚壯士飛渡海、義旗曉拂鎮西雲、乾坤一戰元弘後、日月重回神武前、邇來將相趨殿陛、勳業與國爲一體、勾踐范蠡寧足論、山

河帶礪盟不改、此旗久藏深匣中、今夜高堂重發彩、分明意氣陣中題、三十一字壯心在、立腳韓家晚節香、令公部曲猶堅強、花時每宴萬夫膳、脩劍褒綬金章光、明年高會行軍令、此旗在手興激昂、櫻花明月歌一唱、浩浩春風回八荒。

重陽雨霽、走筆邀向山黃村

今日重陽不可孤、朝來爽氣動前蕪、吾家正有黃花發、五柳先生肯過無。

野趣

園林吾事足、野趣屬高秋、霜坼紅榴肉、風捎紫栗毬、馳驅少年健、感歎老夫休、撥棄盃中物、何爲籍等謀。

觀月呈內務大臣井上公

舊曆九月十三夜

風露晶英九月天。雲霄秋迥一輪懸。清光不改山河影。長似寬平御賞年。

村路

村路斜陽蟻蠓春。西山寒靄晚重々。晴開維嶽一千丈。白雪高抽天外峰。

鎌倉

山河歷々付殘僧。禾黍離々上將營。雨立銅人空灑淚。興亡畢竟太無情。

陪山縣樞密相公觀函根湖時將從公遊西京

函山八十里。上有浩波濤。茲水何自致。巨靈無乃勞。斗槎雲漢逼。龍窟嶽

蓮高。湖中時見。嶽影云。邱壑陪太傅。遊觀良已豪。

陪山縣相公遊西京高雄榭尾觀楓有述

文武功成暫賜閒。西京千里飽看山。晉公勝事鐘鼓外。韓愈詩。園林多勝事。鐘鼓樂清時。謝傅高

風邱壑間。一歲誠知小春好。兩溪正見錦楓斑。追陪始遂平生志。敢請優

游且莫還。時亟促。公東歸。

高雄

荒基有寺委塵灰。珠樹虛餘錦繡堆。澹坐高僧講經處。橫陳青女管秋來。

一溪寒玉摩紅影。古逕斜陽到碧苔。畢竟誰知空色相。鐘聲只在白雲隈。

鞍馬寺

羣山波濤湧洛北。一峰獨抽天際碧。少小慣聞鞍馬寺。老大來尋九郎迹。

翠微樓閣有無間。楓丹杉碧繡雲烟。旋登石磴風景變。紫雲一滅山蒼然。

白頭老僧貌憔悴。深山十月驚客至。祇言劫火相因仍。可憐舊物無一二。

大運茫茫若汝何。盛衰到處同一科。英雄有情淚成水。哀湍千古空滂沱。

義經淚水、相傳義經離別處

宇治

琵琶湖水南向下。電射雷轟蒼峽破。奔瀧一束鹿跳過。放開忽作江流大。
兩岸瀟灑多亭榭。風月四時不論價。木妖奢極金鳳翔。虎爭迹熄青龍臥。
龍吟鳳鳴事悠々。樵唱漁歌上下舟。透迤猶作襟帶壯。無數英雄向此休。
西都兩月山水遊。烏巾蕭散弄溪流。竭來登樓觀白浪。亦知天造勝人謀。
君不見赫々京兆當今器。鬼工鑿山論水利。蒼茫神靈不可知。五犀鎮水
如遊戲。

粟生光明寺

山門無塵石路滑。老樹扶踈寒日徹。寶閣長廊景象幽。祇作閒遊亦可悅。

圓公寂後年月久。宸翰光輝照不朽。我是圓公竄處人。偶然來拜影堂前。
龍燈恍惚松幹化。白足何人一法傳。遺骨三分事可忍。圓公遺骨分
葬三處 狷々只恐

爭骨盡。時與智恩
院爭訟

大和訪土倉芳山家在大瀧村、

十年辱高誼。千里豈辭勞。氣概燕遺俠。聲名蜀大豪。峻峰攢檜樹。傑屋俯
瀧濤。非啻山川美。翩々列俊髦。

自天親王墓

墓在大和吉野郡神谷村金剛寺、王諱尊秀、後龜山天皇曾孫、父尊義王擁神入大和、稱南朝中興王、
改元大靖、十三年乙亥、中興王薨、親王立、長祿元年乙丑十二月、為賊所執、遣民祭為神、稱南帝王

神社、明治十五年、勅修王墓、
村民因建碑、東久世福密撰文、

寂寞金剛寺。空山墓木荒。遺民悲帝子。三保祭天王。吉野川上鄉二十三村分為三、稱三保、
每年二月五日、奉南帝王遺物、行朝拜
式至今
不愈、
舊史誰知闕。南朝此乃亡。英靈存鎧冑。耿々御章光。

天王山吊真木和泉守以下諸士墓

義旅指宮衛。掃除君側姦。事難誠自料。戰敗不生還。國士千秋骨。天王一片山。和泉守辭世。大山乃美禰乃伊波保。仁登々女計里我登之都幾乃大和魂。堅貞留石碣。但見碧苔斑。

宿函根。曉起始知夜雨。作絕句

山樓聞慣石泉鳴。自賴年來洗耳清。昨夜不知山雨作。夢中猶聽作泉聲。

寧樂官舍

冥鴻霧豹幾時閒。白樂天與元微之書云。雲龍風鶴。勃然突然。陳力以出。霧豹冥鴻。寂兮寥兮。奉身以退。旋著緋衣鬢欲斑。樂天年四十八。任忠州刺史。有始著

緋衣詩。予亦今年四十八。可似風流白家叟。軒窓日夕對香山。香山春日山別味名。

奉送陸軍大將山縣公赴朝鮮統師

大聲颯々震六合。乾動雷發妖怪滅。筆底龍蛇六句詩。送公徑須誦此辭。

嘗請公書宋石介慶曆聖德詩中。大聲颯々。震搖六合。如乾之動。如雷之發。昆蟲踴躍。妖怪滅滅六句。獎以為勸。絕海萬里往統師。稜威赫々天王旗。軍中

一范賊落膽。范仲淹巡邊。軍中為之語曰。軍中一范賊落膽。仲淹乃石介詩中四賢之一也。滿漢山川入指揮。投鞭鴨綠不足道。唾

手幽燕正此時。門生空有投筆志。敢請行軍司馬隨。裴度淮西之役。韓愈為行軍司馬。

中秋

皇上親征。此夜駐輦神戶。恭賦絕句

山河有影望中搖。神武陵頭氣廓寥。想見行宮今夜月。清輝遙湧海門潮。

王師二首。喜平壤黃海之捷也

王師傳捷何神速。平壤攻圍不信宿。辮髮胡兒漫尊大。定知一戰心膽破。

君王英武開宏謨。絕海行師遺算無。將軍深謀士善戰。直取燕京作北都。

王師不恃船作鐵。士心惟城勝敗決。絕海懸軍寡擊衆。破碎胡船如破甕。

將軍叱咤驅波濤。風火勃々躬口鑿。乃知忠義奏茲捷。不負平生膽氣豪。

過東大寺

松下通一徑。胡枝花亂開。石壇秋氣淨。竹院雨聲來。古寺誠可悅。高僧安在哉。留連看舊物。到晚未言回。

奉幣吉野宮敬述

君王遺迹儼祠宮。瞻仰威靈竟不空。哀痛長留當日詔。恢宏遙貽後來功。暫分南北天潢際。潛運乾坤帝力中。最是官家虔祭祀。孝思遠繼祖宗風。

鷺家口拜吉村寅太郎松本謙三郎那須信吾穴戶彌四郎諸士墓
自隔幽明三十春。遺墳始拜古溪濱。生逢聖世叨官祿。蔓草荒煙負故人。

王師又一首

八道風雲即日平。三軍直指鳳凰城。長驅不見關河險。臨戰唯知性命輕。萬里幽燕遼故土。百年墳墓虜三京。已頒大詔布中外。赫々東方王者兵。

過西大寺藥師寺

頽垣寂寞帶秋田。荒殿淒涼不記年。今日使君無氣力。每過古寺一悽然。

送國分青厓赴山縣公幕二首

國士逢知己。從軍遠度遼。平生高記室。夙識霍嫖姚。燕薊堪傳檄。羌胡既免徭。須教日沒處。俱戴聖明朝。

祇道向朝鮮。心知欲刷燕。王師新置府。主將遠徵賢。騏驎行萬里。功名猶少年。一官吾老矣。送汝轉茫然。

聖德篇

明治二十七年八月。天皇下詔伐清。九月親征。幸廣島。十六日。陸軍大將山縣有朋將第一軍。破虜於平壤。拔之。十七日。海軍中將伊東祐亨破之黃海。沈其四艦。十月。山縣有朋渡鴨綠江。拔九連鳳凰二城。十一月。陸軍大將大山巖將第二軍。陷金州城。取大連灣。遼東之地將期日而爲我有矣。海外出師之盛。振古以來未之有也。臣滋遭斯盛運。不勝踴躍。謹賦是詩。

明治天子經萬邦。彼何胡虜言紛囂。冥頑稽誅長慢侮。吞噬欲敢乘隣訐。祖宗有典存弱小。十年教戰軍需充。六師堂々進大旆。天造神斷由聖衷。義明名正中外覩。將士慷慨思捐躬。平壤合擊雷霆震。堅城不費半日攻。黃海酣戰波濤沸。虜艦殲滅秋洋空。頻年虜亦飭海陸。連營列幕矜軍容。

虜唯知走不知戰。犬羊豈敵忠義鋒。大連旅順虛椎築。奉天已在破竹中。三韓置府餘烈遠。始見遼土歸提封。君王實是英雄主。出師能建非常功。如聞燕山虜媼哭。滿清命與胡元同。豈無朱火伏煨燼。東風一起揚餘紅。君不見黑山之西長白北。水甘草美留先蹤。牛羊駝騾修貢職。天子俟汝豐明宮。承々繼々千萬載。如此盛運希遭逢。聖德應須被金石。絕代文章要鉅公。下視嵩高駕江漢。巍々直比天之崇。

陷旅順

捷書昨夜傳萬里。天兵飛渡遼海水。旅順險要虜所倚。多年牢築自矜恃。觀兵閱武耀遠近。峩艦堅壘相角犄。自謂金湯不足擬。豈知胡虜技止此。天兵忽下鐵門破。猛士吶喊風雷起。北門鎖鑰何脆弱。二萬胡軍大半死。

形勝久絕西人窺。曩清佛據難、佛人畏北洋水師、不敢北犯。一戰而取功亦偉。寄語天驕早作書。天兵

之攻鬼神似。公孫瓚與子書云、冀紹之攻、狀若鬼神。

東方有巨人行 聞壯士唱巨人歌而作

東方有巨人。浮雲爲帶斗爲筇。舉趾移步兮。天地震盪生雷風。朝發扶桑東。越北海兮。波濤無蹤。翱翔乎西土兮。日亦未中。胡兒宮低兮。欠伸打頭。乃踞崑崙第一之高峯。俯視九州小。五嶽等蟻封。渴渴倒挽天漢水。一口吸盡黃河空。龍門之鯉鱗甲硬。吞不下咽猶噉嚼。乘風一咳飛唾沫。但見長城萬里兮。蜿蜒起乎鴻蒙。神功變化奚可測。巨人之力與造化同。嗟乎嬴政劉徹好大驚。遠徒爲耳。何不執鞭取履兮。長相從。

寧樂

只今山水縣。猶著故都名。圍寺人煙聚。排空佛塔呈。風流美寧樂。文物說天平。金石誰收拾。徒傷老守情。

聞威海衛之捷

絕海旌旗日沒頭。將軍分路戰功優。已收漠北三千部。卻取山東二百州。

游月瀨五首

曉鶯啼睨睨。喚我促遊裝。紅日三竿上。青溪八里強。客携雙酒榼。猛功茶坪各携酒榼童帶舊詩囊。遙望煙中寺。雲林意已狂。

桃香名村碧溪口。月瀨萬梅鄰。勝概聞名久。仙源此地真。交加無雜樹。鷄犬有居人。且與花爲主。何須苦問津。

似有看花福。茲遊愜宿期。寒分春半日。此日花朝賞值月明時。雪暖聞香覺。雲

輕踏影知。玉堂清不寐。轉愧素衣緇。

月瀨喧聲價。佳名稱勝源。居民百口計。玉樹萬梅魂。放竹纔分地。連雲共

擁村。風光須健筆。莫謾說黃昏。（陸游詩、彈壓風光須健筆、相期力幹萬鈞回）

前山翠微寺。多有昔人遊。（昔時遊人多宿三學院、藏穎山陽書數幅云）餘子紛誰數。先生儼獨留。當杯昂

意氣。落筆走蛟虬。迥絕羣芳上。梅花足與儔。

又一首

春風總自雪中吹。碧水清涵萬玉枝。昨夜霏微迷素月。隔林容易認青旗。

垂々不管催人老。故々非因送客知。邂逅溪頭逢驛使。殷勤折取寄相思。

封梅花寄黃村

贈家兄天游

家兄以事至西京。因赴紀州。途次過訪留宿。招土方茶坪同話。

王事豈無程。春風且緩行。共聽今夜雨。重話故園情。莫愛高官職。須爲好

弟兄。佗年復相憶。應記宿平城。

吉野二首

四海春風重一家。萬人行樂答韶華。三朝舊迹只僧寺。眼煖延元陵下花。

佳野吉野又作佳野山櫻天下誇。是梅月瀨萬橫斜。龍鍾老作南都守。併領春風兩

處花。

皇武曲五首

明治二十八年四月、與清平、

天皇還蹕西京、臣滋伏親盛事、不勝感激踴躍、恭賦皇武曲五章

天驕走使乞和頻。皇帝咨命命大臣。事勢分明相覺悟。桓々萬里折衝人。

浮辭崇飾復何爲。皇運休明胡運衰。早勵良規聽告策。能求多福識安危。

倒覆東西不足論。文選、魏景帝使西、倒踏泰山令東覆。君王威武廓乾坤。南荒收得臺灣島。卻拓玄

冥作北門。

皇帝文明被八荒。黃圖不復海爲疆。風濤熨貼連寥廓。萬國爭瞻日月光。

和戰收功威德宣。百川朝海日中天。微臣欲上休明頌。只祝君王壽萬年。

鴨川寓樓書感

每到京華一悵然。與誰共話中興前。故人多作東山土。不見今皇極盛年。

送土居通豫赴臺灣管理郵政

新官稱意向天涯。萬里遙乘八月槎。森舍勤王傳我種。臺灣捲地入皇家。

炎方氣候三收米。互市人民總製茶。自此書郵應計日。雲濤那道海程賒。

黑旗

臺灣始蒙日月臨。黑旗敢叛乃何心。土獠山獠吾赤子。豈容鬼域逞荒淫。

總戎親王監哮虎。剪屠已至臺中府。白馬青絲能幾時。杜詩、白馬青絲誰家子、塵髮且逐風塵起。如聞

壘粉十月期。祇須面縛冀萬一。天子之恩汝不知。

贈茶坪

君今只耽酒。白首不論文。子美醉無賴。長卿才絕羣。一瓢懸濩落。片石撫

氤氳。曾識求風意。琴聲彷彿聞。

日月磐

磐在春日山麓。距水谷橋六町許。立于溪中。刻日月形。溪上冰室

神社舊址廣數畝，可置牀爲遊憩處，沿溪多蒼藤老楓，皆千年物，然荒廢已久，雖好事之士，往々莫知，洵可惜也。予因命開路，可車而行，每與二三子遊，輒樂而忘歸，遂賦短律，聊記其概。

溪風颯々水泠々，斗覺煩襟洗得醒。見說凌冰供夏薦，祇殘環玉至今聽。藤懸騰擲龍蛇勢，石照分明日月形。好促林官開白路，青楓深處置涼亭。

獨坐

郡齋宜獨坐。詩卷自相親。山近秋生戶，松高氣健人。調琴揮俗客，種菜足時珍。十口霑官祿，思量亦未貧。

州宅

有門儘小劣容車，舊是尋常百姓居。廣厦千間應始足，敢將州宅說何如。

元白有誇州宅唱和詩，白詩云：除却餘杭盡不如。

知足院後小邱登眺

邱上有老松數十株，松間多踰躑，昔時僧所植云。

斬新秋氣促山行，即上松邱看晚晴。高下垣殘將寺繞，霏微塔末與雲平。叢々躑躅何年種，得々莓苔匝地生。太守閒遊驚野鹿，石壇盡處一僧迎。

連日出遊，偶爾成詠

故都又作二年留，成就閒官日出遊。此子非癡韓屈曲，

韓詩：可惜此子巧言語，不到聖處，寧非癡。又我能風曲自世間，安能

從汝果使君太老白風流。

白詩：但有使君年太老，風光不稱白髭鬚。

碧壇苔鎖高僧戒，明月池深采女愁。

穩馬輕衫歸去晚，稻花涼占十分秋。

曉起成詠

秋氣在清晨，山園風露新。愛涼人起早，應候鳥啼頻。檐溜猶留雨，庭沙不

著塵。官閒身易適。聊此養吾真。

示縣農會諸子

農者國之本。勸農無多方。瑞穗勿辱賜。桑茶宜擇良。祇在務地利。何憂不富强。大哉去年詔。臣豈一日忘。勇行以爲表。汝輩州之望。誓將一其德。持此奉君王。

興福寺

禪宮銷歇亦悠悠。麋鹿群遊古苑秋。今日殘僧無一塢。當時大衆是諸侯。天平皇后遺經散。劫後浮圖賸景留。卻洗詩人風雨恨。帝陵佳氣隱松楸。

鶯瀑

南都好山環。而何慳乎水。非無池與陂。泥濁困赤鯉。緬懷延曆年。不承十

朝侈襟帶。相山河無乃亦由此。豈謂咫尺間。見茲飛泉偉。澎湃懸絕壁。林深層崖峙。來遊可慰疲。雄觀勝所耳。霏霧晝窈冥。風雨無時已。餘聲震山谷。又疑龍吟起。頗覺名不稱。小大失比擬。且坐潭上石。沈吟思其旨。不厭衣袂濕。爲我洗塵滓。明年路又成。往還便步履。春服詠而歸。與我二三子。惡詩亦安嫌。勝概聊記喜。寄語西都人。莫誇山水美。

秋晴同諸子遊山。觀瀧坂南北浮圖舊跡。以烏居武平皆其近所發

見。明日做東坡體。次第爲詩。凡三百六十四言。付武平

昨日遊山晴太好。今朝微雨風鳴篠。戒童謝客補小詩。雲林在目蹤堪討。瀧坂犖确不可履。樵車壞路塵沙燥。縈回度橋境漸佳。老樹參天晝宵篠。路傍臥佛何年墜。巖上觀音立縹緲。雲際微笑招人登。挂巖蘿葛垂裊々。

今我仰瞻覺神竦。昔人創思驚勇造。左右六七俱宛然。削崖劉石留鬼巧。
 荒蹊南轉尋禪窟。喬松晴透倚秋昊。登々隔谷知何聲。林官好事到來早。
 窟前陳席容我坐。分明指示雙目瞭。兩室相連方丈許。斧鑿留痕入石竅。
 一室布置知僧棲。一室礮磨彫佛繞。蓮花趺坐樣式古。泥金依稀色未槁。
 摩挲偏恨無文徵。打搨且傳供世寶。同行少年尤快意。佛前酌酒爲傾倒。
 不宜久留日脚西。回筇卻度北山杪。蒼崖穿腹又刻佛。石粗雨蝕完者少。
 高山水盤銘尙新。正和書體仍健矯。三座搜求已得二。金堂規模亦可考。
 方其湧殿飛樓盛。雄鐘傑鼓震昏曉。豈知大運變須更。空漚遺跡付猿鳥。
 翠微無復樵人識。下方只有野僧老。向非武叟好古癖。誰能窮極披荒草。
 作詩殷勤謝汝勞。他日偷閒遊復紹。惡遊不學靈運奢。山靈莫怒俗人攪。

寄天游

得天游書云。巡行甲州南部嶽麓諸村。峻嶺重峯之中。有三湖。中
 曰西湖。深處可八十尋許。鰻鯉居之。往々至六七尺之大。前州佐
 某嘗謀疏之。不就而去。近雜種人某買沿湖景勝之地。已築屋矣。
 讀畢。作是詩卻寄

峻嶺環圍積水屯。聞君行部極靈源。從前縣令未到地。黃山谷影賦詩。前言生長八十餘。縣令未曾身到此。應
 是仙人曾宅村。異物求棲爲地主。巨魚鼓浪撼雲根。亦知公事湖中了。萬
 丈葑堤置莫論。東坡在杭。取葑積之湖中爲長隄。○杭湖皆有西湖。東坡連守二州。有頤人在座云。內翰只消遊西湖中。便了那事。秦少游詩。欲將公事湖中了。見說官閒事亦無。

迎井上公歸朝賦此奉呈

明公高節凌古人。堂々智勇留侯倫。高官大職視若土。公辭內務大臣。自請爲駐韓公使。釋難排

紛扶弱鄰。平生有養人不識。年過六十頭猶黑。周年之間再使外。只看和氣溢顏色。絕海歸來行李輕。靈臺一片玉壺冰。但將談笑代兵甲。此事如今誰復能。

中秋前一夜。同茶坪膽山步月。至春日祠壇。遂過大佛而歸。得遭字

御蓋三笠古作御蓋。開明鏡。山寒颺颺逃。水光祠逕白。人影石壇高。先賞宜今夜。聯

吟屬我曹。官閒身復健。清景得相遭。

中秋又步過東大寺。分韻。英懷上人煮茗進芋

萬丈松杉挂玉輪。清陰如水濕烏巾。又行歌路影答長。古都兩度看明月。今夕重逢是故人。太守

原諳芋頭味。高僧獨與桂花親。無端卻憶江樓侶。興在金波白馬津。蘇轍別作白馬津。

字陀途上

山晴妍曉日。風靜逗烟光。祠樹團依水。林楓爛飽霜。麥抽新種早。稻晒晚收忙。何似兒童樂。騎遊竹馬狂。

偶興

禽聲破夢噪檐端。霜日暉々減曉寒。黃橘簇垂金錯落。修梧亭立碧琅玕。抽來書帙隨時讀。領取雲山入座看。老去生涯甘寂寞。妻孥各健足餘歡。

書杜集後

偉哉杜子豪傑士。屈宋方駕非本旨。許身稷契三代上。杜詩。致君堯舜上。再使風俗淳。又許身一何愚。竊比稷與契。

附鳳攀龍罵將相。杜詩。附鳳攀龍勢莫當。天下盡化為侯王。汝等豈知蒙帝力。時來不得誇身強。誰其繼者韓與蘇。叱咤元氣毫端

驅。唯三夫子能有此。紛々輕薄何由摹。

讀李翱文

我讀李翱文。黯然覺其味。言語根教化。志氣塞天地。不止幽懷賦。能與俗子異。如何一千年。獨有六一淚。謝文曰。志氣言語。勝乎人之文也。志氣不能塞天地。言語不能根教化。是人之文。統歸也。

明治二十九年丙申元旦二十二韻

曉日上扶桑。瞳々照萬方。元正開節序。聖德頌君王。虎表春秋富。龍飛曆數長。英姿不世出。宸斷允乾剛。武剋提綱紀。文思布憲章。從初法創業。治明

元年詔曰。法乎神武創業。

稽古豈垂裳。昨者洪功集。無前偉績揚。鯤濤偃北海。鵬翼運南荒。島嶼新編籍。星躔遠劃疆。鄰邦賴保護。列國避威強。帷幄經綸密。風雲將相良。帝師優葛亮。尙父重汾陽。千載當嘉會。微官忝一翔。御容違咫尺。盛服拜廳堂。加歲寧知老。登茲喜益昌。山河矜舊國。士女麗新裝。玉管傳歌譜。金觴送酒香。旗霞爛映耀。松靄鬱青蒼。池柳堪舒眼。園鶯欲弄吭。年華

添樂事。天意卜豐祥。不有昇平作。焉看翰墨光。應須燕許筆。俊異在周行。

新年東南院小集

不爲梅花訪。玄關趁夙緣。無人非舊雨。復此作新年。當酒供茶菓。聽泉勝管絃。高僧還入定。詩句且參禪。

融晃上人同茶坪瞻山至、率賦八韻

南都勝社客。北郭好詩僧。定住孤菴在。上人近住于西大寺子院。聯吟二妙能。敲門煩數訪。

下榻喜俱凭。造次供盤饌。留歡剪夜燈。醉醒非異趣。爛熳是良朋。赤縣官

曹貴。杜詩。赤縣官曹擁才傑。注。官曹謂朝貴。黃堂簿冊仍。功名意蕭瑟。文字興飛騰。會待終婚嫁。從

師問上乘。此夜東京嫁女。

期融晃上人不至、走筆簡瞻山

借問詩僧來不來。明朝還怕簿書催。郭西一路惟三里。赤脚長鬚走即回。

讀書

研朱讀古書。此樂信何如。尚友千年上。專精獨學餘。幸因心力壯。敢嘆鬢毛疎。剩有浮屠者。時來又起予。

贈後藤猛功

珍重老教授。新詩吟就不。猛功每年作新年詩十首剪裁論屬對。花柳本風流。猛功嘗論桃花楊柳字對例才調

李商隱。珠璣秦少游。知君興不淺。歸去莫淹留。

傲香山體

烟中塔影曉模糊。入眼風光似畫圖。池湛漣漪三四頃。松排行列一千株。養馴靈苑舊時鹿。舞熟洞庭南國姝。賴是君恩此留住。青山莫笑白髭鬚。

暇日得長句

歲熟時平公事閒。郭西日暮訪僧還。松梢風入颼颼雨。塔末雲橫黯澹山。郡守三年依御蓋。名山官家今日控臺灣。樂天縱有詩名好。不在韓碑柳雅間。

答向山黃村觀猴戲

黃村寄示觀猴戲詩。言短而意長。反覆諷誦。遂賦此以答。不云和而云答者。取乎君子之義也。白居易有云。所見同者固不能自異。異者亦不能強同。黃村當發一笑也。

慧黠還憐依主人。當場感激稻梁身。平生誤識王仁裕。枉被丁寧喚野賓。

王仁裕從事漢中。有獻小猿者。稱其黠慧。嘗之。名曰野賓。經年壯大。跳踯頗為患。繫紅綯於頸。題詩送之。後復遇之。又賦詩云。月窟縱勞羅織夢。松餐非復稻梁身。

題塔

宜晴宜烟宜雨雪。朝看暮看月中看。古人有力留飛塔。惆悵層梯欲上難。

小立

乘晴偶一出。小立曲池傍。古屋圍蒼竹。朱樓麗夕陽。莎平鹿眠穩。林靜鳥聲長。顧謝悠々子。斯情不可忘。

白頭翁吟

白頭翁汝來好。喚汝翁兮汝不老。去年汝來猶未頻。今年汝來情太親。朝啼翠竹烟梢弱。晚啄山茶冷藥落。金衣公子怯春寒。卑枝飛亞遷喬難。園柳園花空寂寞。詩腸羞澀誰爲歡。此時飛來岸白幘。千聲萬聲啼莫惜。丁寧已戒巧丸兒。不教惡劇恣彈射。頃縣公園
鍊銀之禁白頭翁汝聲不減歌童音。爲汝

聊作白頭吟。

故都

寂寞還寂寞。繁華今已休。丹青山水縣。佳麗帝王州。古畫憐殘寺。東門說故侯。故侯某破產零落
舊臣亦莫之哀但因宸念切。陵墓盡新修。

拜畝傍山陵

惟皇啓有命。奠宅奧區中。信美可王地。丕靈恢祖功。山河亘萬古。日月照無窮。重遇維新運。彌瞻德澤隆。

植梅

君不見古都春風千葉花。流傳歌詠愁翠華。又不見舊時令尹萬樹錦。前政
時補櫻楓奉行川路左衛門尉
立碑記之。殘碑只有蒼苔點。今我植梅亦可憐。百株移得澆清泉。陽坡占

地防雪虐。荒叢剛土培根堅。已看樹々春意王。行當張本開別天。桃杏不
限豈非俗。白詩。但勝有花者。不限桃杏梅。紅白相間寧爭妍。花間亭子新移置。玲瓏八面虛窓
圓。南枝北枝俱爛漫。朝暎落月長嬋娟。青苔白路看不足。白詩。欲識往來。頻。青苔成白路。携酒
會客張清筵。主人不飲意亦樂。但期名姓因花傳。佗年繼種知何樹。賦罷
新詩且慨然。

初聞黃鸝得佳字

東風亦有力。吹與鶯聲借。憐渠么微物。而不與時乘。轉喉纔宛轉。入耳笙
簧諧。正聲久不作。煩聒多滯哇。啞々羣鴉噪。啾々黃雀皆。豈無九天鶴。一
去迷雲涯。今朝聽好音。慰予鬱陶懷。斗酒須急辦。不嫌破長齋。莫將一家
聲。春園自此佳。

紀元節日師範學校拜御容退而敬作

丕顯念皇祖。天孫更祇承。三千登曆數。億萬絕齋崩。御代歌新譜。神聲頌
中興。蘇洵文曰。用莫神於聲。時雍敷教化。聖德永宣弘。

夜坐

古屋一燈明。山鐘苦報更。春淺疑冬在。風寒鬧竹鳴。讀書知老境。閱世足
閒情。只合安吾拙。年來氣已平。

有懷都筑馨六

山郭春尚淺。曉雲晴復陰。鐘聲依古寺。鹿跡入幽林。吾友杳無信。滄浪思
獨吟。時馨六議不合罷官。馨六井上公婿。故用馨六事。天涯與地角。空守固窮心。

食蕉子

曾自羅池記許黃。韓文羅池廟碑，嘉子丹分焦黃。長思珍味限炎方。非緣海外歸王土。那得盤前取次嘗。

雨後曉望

夜雨山初曉。閒雲下翠微。挂松如暫住。度水似忘歸。此處裝點妙。從來圖畫非。階除人不到。隱几見天機。

金波樓上得鹿字

夕陽分水池。汀蹙入座春。痕搖浪穀。振古風流何地雙。斬新形勢此樓獨。儘教塔閣出層空。總攬峰巒歸寸目。咫尺朱祠碧樹中。園官暮笛呼馴鹿。

又一首

莫使春風掠面吹。恐君亦有酒醒時。憑欄還自愁衣薄。待月寧嫌得句遲。

水帶山聲鳴澗玉。燈爭星影照池棊。錢昭慶方池詩。夜深因被寒星照。恰似山翁一局棊。主人好事樓兼好。此夕留連不敢辭。

思江上舊遊

春風江上玉人遙。楊柳橋邊逗畫橈。獨在天涯誰是伴。梅花月下夜吹簫。

鎌足公

偉哉鎌足公。捧靴王前跪。立定社稷計。萬古誰能企。後來豐太閣。挈鞋復高視。鞋靴同執持。貴適君玉趾。劍履雄一時。關白二世耳。屹彼多武峰。長

與三山峙。歙傍山。天香久山。耳無山。稱大和三山。

絕句

三年爲郡足閒情。只勸農桑作課程。何有山田春二頃。詩人一例說歸耕。

遊宇治宿萬碧樓以樓名爲韻三首錄一

溪女能留客。溪酒綠似油。勸君莫辭醉。吾醒非所憂。醒醉同作伴。樂茲山水遊。同遊者四人皆能飲孤燈照靜夜。沙禽啼亦休。萬象歸一寂。總忘塵世求。神清終不寐。獨起復倚樓。

望菟臺 在伏見城址

豪華一夢獨荒臺。修竹梅花自在栽。碧海青鸞終寂寞。玉階明月故徘徊。霸圖空逐前江盡。魏闕長依北斗開。猶作風流歡賞地。聯翩士女趁春來。

善光寺 在臺下

梅花滿地白雲輕。短策來穿不礙行。卻借僧房成暫睡。一林修竹聽鶯聲。

擬古

人事如波瀾。恩讐亦反覆。百年何有常。推移成世局。春風競桃李。照耀炫人目。取快貴一時。歡遊須秉燭。達士能志懷。俗子乃齷齪。陳力既不能。寥兮庶可學。

同藤澤南岳詣春日祠看藤花晚登金波樓分韻同賦

晚春氣味醉如泥。邂逅逢君手共攜。白路柳交青幕合。朱祠藤發紫雲低。不過僧寺尋前話。卻上池亭看舊題。好是前村秧種近。林鳩喚雨盡情啼。

宇治懷古

吾來宇治上。懷古意蒼茫。慷慨悲三位。驍騰憶四郎。水流飛箭勢。魚影亂刀光。兩岸多殘寺。鐘聲管夕陽。

奉次伊藤公滄浪閣雅集言志瑤礎

虛襟如水洗塵埃。攜客俱登望海臺。江漢風流鐘鼓樂。晉皇公春日神代杉印材、銅文
杜甫江漢風流鐘鼓情句。章勳業古今才。三峰白雪當窓麗。萬里青瑤接席開。綠野園林誇勝事。池頭只盡手中杯。

滄浪閣重呈

暫解樞機且避賢。舊廬歸臥即如仙。聲名俱望平津閣。功業閒收范蠡船。八島三山供嘯傲。青松白石賁林泉。知公亦自猜車馬。王安石詩、我亦暮年事一轡、每逢車馬便驚猜。願和滄浪鼓枻篇。

賀生堀氏宅感乃祖之事而作

建武延元事可悲。四海崩潰勤王師。華山院外夜上馬。白龍魚服吁太危。向非乃祖仗忠義。當時天子向何地。一間茅屋萬乘居。播越三朝幾回寄。

揚激英風五百年。重逢聖主整乾坤。君臣一體成終始。吉野宮司是子孫。

同宅觀延元正平御物

一間茅屋古行宮。寄在攢峰峻壁中。小庫新添藏御物。嗟君傳得舊家風。邀膽山不至。

只道客常滿。應緣樽不空。誰知難測地。亦在醉鄉中。

楊柳詞戲翻俗曲那仁遠久與河端
柳水乃奈賀禮遠見天久良須

脉々河邊柳。春風欲恨誰。東流牽不住。舞盡日西時。

被召上京口占

公程一路趁波濤。身慣粗官不憚勞。滄海還驚人事變。碧霄只覺嶽蓮高。當年白傅終多病。前度劉郎敢倚豪。莫向玄都觀裏過。西風零落舊時桃。

重陽

客裏重陽意寂寥。何堪扶病強登高。莫教烏帽風吹落。恐被黃花笑二毛。

東海道車中作

穩臥車箱一夜間。兩京咫尺夢魂閒。湖光嶽色看渾口。此路今年三往還。

送辰野法學士長野工學士還京

二子皆才俊。飛騰向要津。精穿楊葉箭。巧運郢風斤。斤字杜詩。屬實韻用。惜別逢秋晚。

當歌把酒頻。敢將遲暮意。說著少年人。

奉訪山縣公養痾西京別墅

專征出使兩年間。帝命殊優暫賜閒。獨入西京人不識。一樓風月臥東山。

伊藤公山縣公枉駕南都陪遊五日。洵一時之盛事也。賦此奉呈

渾下一字
缺蓋似平

二公俱是聖朝霖。卻與閒雲興暫尋。文武居然當國日。逍遙能事大臣心。

韓詩。文武功成後。居然百
辟師。杜詩。逍遙有能事。故都明月天街上。天街
街名。神女清簫御蓋陰。御蓋即
三笠山。鳴鹿呦々

如惜別。勝遊肯許駕重臨。

尙方劍時有私議宮內省事者。都筑
謬六論駁有力。賦此以贈

尙方劍。奸邪肝膽寒。精誠感天虹貫日。劍氣直上雲霄端。君今天子相。何

爲食音讒人。法當執縛鬻豺虎。豈忍貽憂聖明君。雷霆迅發神人怒。悲歌

爲激壯士肝。

龜谷省軒藤澤南岳見過分韻

郡廨雙臨儒雅宗。角巾野服共從容。故都勝事無多子。且聽霜林午夜鐘。

樵街此君亭。招江馬天江。伊藤介夫龜谷省軒神田香巖小集。得青

字

西都風景屬河亭。歷々東山對畫屏。天上何知貴公子。樓上有臺客。掛妓而宿者。座中都是少微星。佗年夢裏空相憶。今夜杯巡莫暫停。共聽潺湲階下水。盡情燈火向人青。

題畫

短棹孤舟楊柳灣。青林眇々鳥飛還。殘虹橫截半村雨。一片斜陽雲外山。
宿此君亭

寒夜讀書 課題

河亭酒醒獨憑欄。樓影沈々夜景闌。不信千金歌吹海。沙禽啼亂月明灘。
五十無聞學術疎。平生事業愧居諸。寒燈慣剪三冬影。不讀人間有用書。

冬夜東大寺小集。以事先去。贈茶坪

山門一路踏流蘚。宛若承天記裏人。惆悵浮生閒不得。月明付與老懷民。
丁酉元旦

浮世唯如此。移官亦偶然。銀章猶傲吏。白髮又新年。北海非文舉。香山愧樂天。香山春日。山別業名。平生閒事業。孤憤在詩篇。

受代

新尹來時舊尹閒。書窓磨墨對孱顏。明朝我亦揚鞭去。咫尺天高太白山。
太白謂白山。

留別南都諸友分韻

下々三年考。陽城爲道州刺史。當上考功次第。自署曰。撫字心勞。催科政拙。考下々。行々北海隅。人生惜離別。祖席且斯須。

顧撫路傍樹。飜慙身上襦。殷勤故都月。照到白山無。

入石川縣

窮陰赴北陸。雨雪亦霏々。王事促程急。天寒行客稀。金城當斗遠。驛樹入雲微。到處吾應樂。誰言薄宦非。

金澤

北海名都會。雄藩百萬餘。風觀豪俠窟。杜詩、樓唐圖按鳳凰墟。龍登鳳至郡在昔地

利桑蠶富。民淳獄訟踈。賦因視諸縣之數甚少堪乘郡齋暇。借看故侯書。博物館藏書三萬餘冊、前田侯所遺也

駒々

浩々山川積雪封。冥鴻滅影蟄魚龍。洪爐未鑄陽和使。只合駒々暖過冬。

北陸

浩々有山白。茫々無眼青。日車欵北陸。地軸轉玄冥。霰雪何曾盡。艱難亦飽經。歌成倍惆悵。古調與誰聽。

惡路

惡路雪泥滑。行車須戒前。平生仗忠信。老大畏山川。飛霰帽簷集。尖風衣袖穿。郵亭聊一憩。吾意復悠然。

木芽嶺

湖天回望暮雲賒。北去寒梅未見花。借問春風何日到。木芽嶺上雪槎枒。動橋旅亭見小童。書新年都未有芳華句。

新年那有物華知。積雪堅封萬木枝。北地誠嫌春色晚。小童解寫退之詩。

白山歌

予到任石川，且二月，每望白山，為雲所掩，不得見焉，作此歌自慰。

白山定何處，向上只雲昏。白山不可見，始覺白山尊。

北陸路

君看北陸路，人事無兩完。行車惡雪阻，除雪棧行難。不如且棄置，消釋任自然。

寓于兼六園中

此生身迹一飄蓬，且向名園作寓公。禁掖朋從非昔日。杜詩，禁掖朋從，改，微班性命全。天涯霜雪阻春風。東山泉石違靈運。北海文章愧孔融。謝靈運還書圖作，偶與張邵合，久欲還東山。但得奇書隨意借，眼前敢嘆酒樽空。

又一首

蒼樹森々對古城，春寒猶未到黃鶯。老來興味非絲竹，一道清泉夜々聲。

讀隋紀，做唐人體

錦纜牙檣汴水潯，度遼氣盡陣雲深。揚州總管無佗策，祇用黃金買鬪心。

李義山詩，車征日調黃黃金，幾竭中原買鬪心。

金谷館宴縣會議員，館例不召妓，或有若嫌焉者，賦此以解

金谷芳樽夜館春，當筵不見似花人。祇將罰數依前例，愧殺豪華石季倫。

到任石川，未二月，州人已為議予者，因贈

三年花月南都下，今日風波北海頭。千萬州人休早計，江山祇是為詩留。

城南

城南修竹綠沈々，露葉煙梢愜素襟。陌上垂楊輕薄樹，一番春色在黃金。

抖擻

功名抖擻鬢毛斑。誤著聲名在世間。好是歸來官舍晚。讀書窓對臥龍山。

工夫

吟斷風光撚斷鬚。詩家公事費工夫。前身應是白家叟。亦被州人罵道愚。

白樂天答州民詩、惟擬警々作閒事、遮渠不道使君愚。

所見

陌上黃金泥柳條。西山白雪未曾消。春光有力還無力。偏向人煙暖處饒。

吊勤王諸士墓

精靈不可久埋湮。來吊當年忠義人。勅祀兼蒙褒贈厚。如何荒碣鎖寒筠。

酬江木千之千之時為茨城縣知事。

聞君久病滯京城。度臘經春漸合平。理得歸裝知幾日。好文亭上及清明。

寄仙臺勝間田使君

遙憶仙臺老使君。珊瑳歌唱入青雲。碧天明月相思夜。只恐嫦娥不耐聞。

珊瑳歌仙臺妓所唱。

偶作

堂々北海文章伯。慷慨能吟猛虎詞。孔融集、有猛虎詞。愧殺埋輪張太守。卻將漢節

問狐狸。

春鴈

嗷々春鴈幾時歸。水濶天長隻影非。應爲人間彈射足。相呼祇入遠霄飛。

戲作絕句予寓于胡桃街、與東山對、山下即妓所居。

細雨蕭々二月天。香爐茗椀使君禪。無心復向東山妓。隨意春寒咽管絃。

北地二首

鶯花無信暖回遲。二月寒風恣意吹。歸鴈驚鳴緣底事。應疑猶是未春時。
北地唯須閉戶居。春深長是似冬餘。出遊無處尋花柳。天遣閒官飽讀書。

天德院梅花

郡城南接古香臺。聞有梅花百樹栽。只道因寒開較晚。若爲春半不看來。

書白樂天集後

風流每憶樂天賢。詩好官高百代傳。一事似君々莫笑。宦情零落太和年。

徐凝和樂天詩、風清月冷水邊宿、詩好官高能幾人、

題杏花燕子圖

北方節氣苦成寒。南客初來感百般。二月從頭餘幾日。杏花燕子畫中看。

家書

家書裁罷思千般。憶著韶光到牡丹。爲說天涯風土異。海榴花落不禁寒。

黃金井

黃金臺下黃金井。井塌臺頽合綠苔。銅瓶百丈無消息。只有詩人品水來。

木蘇岐山結靈澤吟社、

李義山

微詞千古自矜誇。解道荆臺百萬家。雲雨高唐尋斷夢。卻因宋玉擅才華。

義山詩、何事荆臺百萬家、獨教宋玉擅才華、義山好道宋玉之事、蓋自祝也、

贈福原錄赴任鳥取、旋拜文部參事官還京

山陰逸興雪中尋。誰識扁舟此日心。卻逐春風回棹去。一時聲價重南金。
書鱷魚文後

一篇氣凜鱷魚文。不合安然羞此民。萬里潮州天子吏。退之真個木強人。

西鄉南洲

蓋世功名震主威。不知持此欲安歸。八千子弟同生死。埋骨家山舊翠微。

木戶公

憂國中朝第一臣。風流儒雅亦無倫。自從西洛池園鎖。赫赫功名是別人。

絕句

三月正半暖暴回。北地逢春意卻猜。晚梅早櫻無次第。一番夜雨倉皇開。

桃李三首 四月八日作

巢痕一掃故人空。觸眼悲歡誰與同。桃李年々花自換。白頭依舊閱春風。

東坡詩、九重掃裏舊巢痕。

春風桃李一番花。更覺今年光寵加。開落都非去年樹。年々春色屬誰家。

滿城桃李九衢塵。得意花前得意人。一種東風明月夜。早梅飄落卻傷春。

雄藩

雄藩百萬冠諸侯。舊物凋零幾許留。不見黃金臺上客。青山無語笑回頭。

舊時詞人以黃金臺擬金澤城用。

巡視手取川五首 錄四

高柳搖々春自回。枯槎猶著去年哀。使君那有濟民策。緊著茅鞋親問來。
兩岸隄防太平空。人家多在水烟中。可憐不獨愁秋漲。雪浪吹聲一夜風。

川發源白山、每年三月後、東雨
風至、山中積雪乃解、致水急漲、

午亭避雨便淹留。旋浴湯泉洗旅愁。宛轉黃鸝終日語。一溪風色自溫柔。

避雨辰口、浴
溫泉遂宿、

重築隄防理舊川。可教砂礫化王田。春風浪暖桃花岍。秋漲如山說去年。

辰口旅館戲作

村女高鬟一尺雲。嘔啞誰信也堪聞。少年沾醉能無賴。鼓笛通宵惱使君。

漢書、城中好高
髻、四方高一尺、

手取川又一首

春水溶々向海朝。白沙洲暖長蘆苗。畫隄疊石如虹彩。馴得黿鼉不放驕。

鶴來吊小川靖齋墓

若人不見鶴來空。華表魂歸夜月中。地向東南當太白。孤墳三尺立春風。

太白謂
白山、

兼六園觀櫻花五首

名苑櫻開雨露勻。天涯肯信兩般春。宦遊消受看花福。甘作東西南北人。
樹々花高三丈紅。海棠那擅蜀王宮。豪華留得故侯障。錦繡春酣名苑中。
詩人例作放翁狂。可使山櫻讓海棠。最是金城花盛麗。故侯名苑壓千場。
龍鍾未減舊時狂。相趁名園賞晚芳。攀折長條向年少。花從老樹有輝光。

慰春風

萬紅吹落遠天涯。倒脚春風莫自嗟。頭白三郎奔蜀道。只緣妖艷一枝花。

詠史二首

絳灌無文那足論。賈生爲吊楚臣冤。唐家宰相李逢吉。引得寒人盡感恩。

唐無名氏詠李逢吉取寒素詩。元和天子丙申年。三十
三人同得仙。袍似爛銀文似錦。相將白日上青天。

社肉誰言宰割勻。安劉別有棟梁臣。黃金漫用買天下。畢竟陳平無賴人。

見田園間菜花盛開

春風著處太殷勤。剪翠裁紅織錦文。作意田園回一顧。便開黃菜便教薰。

眉丈山

眉丈山容萬丈長。畫時螺黛若爲量。自來翠色猶堪在。不是城中半額粧。

漢書。城中好廣眉。四方且半
額。城中好大袖。四方全匹帛。

望白山而作

白山如玉雪玲瓏。襯破飛霞天半紅。正是瑤臺燒燭罷。梨花千樹滿春風。

和天游休官見寄

新製烏巾稱意寬。雲山到處待君看。人生只有烟霞福。亦識休官勝作官。

來詩云。天涯千里君寬
意。自此雲山到處家。

送矢田部書記官赴任富山

賢俊乘時得意同。翱翔半刺勢生風。杜詩。半刺
已翻。知君馬上詩情好。一路雲山

是越中。

送渡邊參事官赴任岡山

春盡天涯又送君。萋々芳草暮亭雲。杜鵑憑寄離人恨。啼到山陽道上聞。

憶南都

朱祠門外路盤陀。華表何年鶴重過。想得新池池名春水滿。岸花汀草不勝

多。東坡南遷、參寥居西湖智果院、作湖上絕句云、欲採芸蘭無覓處、野花汀草占春多。

春盡翌日上卯辰山三首

一日抽身案牘間。不關春盡強登山。禪房花木先迎眼。何必逢僧破費閒。
海郭沙村入望孤。兩行松翠走平蕪。不知遠水明殘照。只似煙中一幅蒲。
花樹環栽好事家。綠陰深處駐年華。偷從園後尋幽徑。一榻清風坐喚茶。

留渡邊參事官 參事官將行、風浪作、詩以留之、

送君攜手且遲々。爲問津頭船發期。五兩風回雲氣惡。莫憑輕薄弄潮兒。

短歌

二月三月唯見雪。雪中抱膝待花發。雪殘花發春即去。綠陰芳草年華歇。
年華歇腸欲絕。雨聲日々巷泥滑。北方節氣從頭說。薰風何由解鬱結。

重送矢田部兩山二首

雲飛雨散豈論程。近別渾如遠別情。老卻黃鶯不啼得。綠陰深處暗吞聲。
紫藤花彈似銜情。雨滴離愁不作晴。從道垂楊能管別。千枝只爲舞風輕。

次韻向山黃村病中作

幾度東坡夢見之。先生文字作遊嬉。縱橫筆底英靈氣。剛健書含婀娜姿。

東坡文韻子由論書時、端莊雜流麗、剛健含婀娜、 驄馬軒昂前政日。頑民韜晦太平時。第三橋外垂楊宅。飽

和柴桑處士詩。

招國分青厓

青厓好棋。予敵手也。欲決勝敗。詩以招之。

劉項相持勢未降。鴻溝限界孰英雄。非經七十餘戰後。何得樽前歌大風。

呈野村相公

三十年來走後塵。淒涼敢說病餘身。強將意氣陪歡笑。贏得青雲有故人。

哭陸奧前相公向山黃村先生

江湖臺閣故人亡。病客天涯獨斷腸。一代文章將事業。秋風併灑淚千行。

自憶

自憶平生感有餘。蕭々鬢髮竟何如。遂初莫負山中友。審勢時翻海外書。
樹挾秋聲驕鐵馬。鏡懸病影愧銀魚。可憐韓子能言語。修飾辛勤說屋廬。

韓愈示兒詩、辛勳三十年、以此此風
唐、又嗟我不修飾、事與庸人俱、

明治三十年秋蟲、諸郡被災、鹿島郡長大塚志良能美郡長川田茂

通羽昨郡長松島喜五郎督勵驅除爲最、賦贈勉之

天降災蝗食稻枯。公田赤盡氣將無。蒼生生命繫神明宰。喚起黃雲滿地蘇。

至七尾途上

官道平如砥。馳驅一日程。甘棠行樹直。道傍行樹前
田侯所植秦鏡畫湖明。猶憶王孫守。

源順爲
能登守、

空留上將營。七尾東有上杉謙信營址、
即九月十三夜賦詩處、山川易感慨。不覺淚縱橫。

七尾

遐哉三越北。七尾繞灣汀。海伏如平地。山環似曲屏。龍驤泊萬斛。鯤化控
窮溟。吾意殊何限。長吟倚暮亭。

北灣所見

斗出奔巖自作隄。秋潮安穩任高低。漁翁占住不多地。一半分他鷗鷺棲。

月夜望上杉謙信營址

一去英雄萬古愁。山川形勝與誰留。越公營上舊時月。鴈陣猶為橫槩秋。

白山

白山高倚泐寥天。一望雲烟一豁然。東海秀靈元氣會。可能八朶獨專蓮。

錦樹十一月四日作、大隈重信免。

錦樹欺春夢一場。紅於誰道勝花狂。無端總被風吹盡。卻恨西林半夜霜。

暮行古隄上

暮行古隄上。蕭條不見人。黃葉紛可惜。委為泥與塵。原非發生力。誤被霜

露勻。所以白絲行。羈旅忍窮貧。杜白絲行、君不見才子汲引難、恐懼棄捐忍羈旅。

傷向山黃村舊宅

柳門竹巷絕經過。落日蕭々恨若何。隨意鄰人能弄笛。山陽舊侶亦無多。

歲晚

歲晚歡娛少。詩書只自親。驢鳴寧嚇虎。用柳文黔驢事。狗盜竟非人。用王文書孟嘗君傳後中字。不讀

霍光傳。用張詠事。焉希諸葛倫。方知宦情薄。丞相算錢緡。用王夷甫事。

吊向山黃村墓

吟嗟東野先生死。王建哭孟東野詩、自從東野先生死、側近雲山得散行。節誅西湖處士賢。遠墓雲山何限恨。黃

花一盞薦寒泉。東坡書林逋詩後詩、不然配食水仙王、一盞寒泉薦秋菊。

鷓鴣

嚴霜淨盡野無禾。鳥雀啾々奈汝何。卻是鷓鴣不餓死。城中腐鼠若為多。

夜雨

天涯夜雨一燈親。誰念龍鍾老大身。萬紙除書都不管。出頭盡是少年人。

黃村已逝，天下無詩，贈國分青厓勉之。

世上新詩莫謾傳，風騷誰復接前賢。自從一葬孟夫子，只著人間賈浪仙。

韓愈贈賈島詩，孟郊死葬北邙山，自此風雲得暫開，世上不教才子絕，更生賈島著人間。

讀白樂天詩，感夕愁苦賦以嘲之。

白家太守解風流，醉上東樓破卻愁。漫說男兒爭料得，祇將歌舞在忠州。

東樓詩，不向東樓時一醉，如何擬過二三年，又惟有綠樓紅燭下，暫時不似在忠州。又贈李列官詩，男兒未死爭能料，莫作忠州刺史看。

聽琵琶 課題

明月西沈碧海賒，琵琶一曲奏平家。哀聲迸落前江水，驚起魚龍出浪花。

時大隈重信免，黨人多引去，有二三留于朝者，自擬檀浦殉難。

奉壽井上公六十

昂在雲間矯若龍，功名收拾獨從容。漢家三傑將公比，避穀留侯伴赤松。

寄新潟勝間田使君

綠水紅欄七十橋，使君何處夜吹簫。人生無限歡遊事，莫遣光陰闇裏消。

北地三首

板檐載石鎮風重，蘆箔屏軒防雪飄。深擁泥爐寒不出，北人闇裏送年消。

北地年光一半違，淒風寒雨見晴稀。秋深已似冬景苦，直到春殘春未歸。

北方風候太淒々，日々雲陰意轉迷。縱是林鳩解饒舌，乍晴乍雨若爲啼。

題竹外二十八字詩後

用長無似子成豪，論品應推孟緯高。直與前賢爲後勁，手中寸鐵是吹毛。

傷楓

北地秋杪冬始之交乃善陰多雨少霜楓葉不成紅而凋落風土之異亦可傷也

病葉凋零只帶黃楓林淒雨不饒霜夜來青女泣機杼懶織天孫雲錦裳

讀海外新聞論獨逸據膠州灣慨然而作

三家有約終分晉六國何心欲事秦今古興亡同一概天荒地老更無人

歲晚

窮陰北海頭雨雪幾時休驛使鄉關遠梅花客子愁無珠還故浦

能登珠洲郡因產珠名云

有蟹是名州

北陸之海產巨蟹

邂逅真良計君恩遣此留

十二月三十日牢晴殊有春意記喜

雲陰解駁氣澄清北地難逢似許晴已覺天涯春意入喜聞板屋雪崩聲

明治三十一年戊戌元旦

滄洲物色更蕭然怕說新年是舊年孝思君王法宮裏諸公此日不朝天

勅以大喪被朝正松方總理大臣以下既乞罷閉門不出

新年偶作

平生尙友在前賢浮世行藏不問天攬鏡莫輕傷老大過衡韓子是吾年

韓愈貶潮州時年五十二子亦今年五十二

聞雪溜滴檐聲

暖透雲陰始作晴旋聞濺々四檐鳴錯疑是雨殊非雨雪溜如泉瀉月明

得山口婿橫須賀書云梅花已開五分却寄

書來休問北方事入手新年只鬢華見說湘南春色早五分消息到梅花

聞伊藤公復相

五雲此日繞蓬萊。應捧君王萬壽杯。父老攜扶看盛事。歡呼司馬相公來。

司馬光自洛入朝、衛士皆以手遮額曰、此司馬相公也。

北歸

京橋楊柳夢依依。北去年華重復違。身似江南孤影鴈。煙花萬里背春飛。

謁豐國神社 時新修神社成、

如公偉業自千秋。得失寧論一廟修。感激威靈聊報答。新祠重鎮舊山頭。

罷官有作二首

文字無端誤此生。艱難不易到公卿。當年坡老尤奇絕。更作風濤海外行。

東坡詩、九死南荒吾不恨、茲遊奇絕冠平生、

漁樵不合混風塵。解綬歸來且守貧。得失休論十年事。青山笑殺讀書人。

古人云、早知功名有命、恨十年不讀書、似難爲子道、因作、

土方公恩光閣

閣取唐劉憲詩中語以名、因依憲韻賦呈

明公贊大業。值遇水魚親。義奮西奔日。功成勇退辰。恩光盈室有。御物自天新。榮過韓堂錦。清依輞墅筠。廉貞能保壽。和樂易爲春。世路仍徒競。紛々各異津。

鴨川客樓書感

風物京華幾度春。倚樓愁殺白頭人。木蘭橋外黃金柳。曾惹先皇御幸塵。

文久三年春二月、先帝幸于加茂、將軍家茂以下公卿侯伯皆從、自鴨川幕府之盛、不令天皇得外出、行幸之儀久廢、文久二年、薩長勤王、長州首建行幸之議、至是萬民始復拜盛議、君臣尊卑之別大定、實爲距今三十七年前之幸也、

小門 在下關市西

海下一字
缺蓋門數

不是江流不是湖。海口中斷別成區。卻收萬頃波濤勢。一幅溪山好畫圖。

山縣公椿山莊索諸友和

憑高那復起樓居。境靜偏宜退食餘。雙樹成門自通馬。雙樹當門。車一軒臨水。馬通其間。

坐觀魚。軒前窪處。自然成池。凌虛不合專臺勝。坡文有凌虛臺記。獨樂焉容與世踈。東坡司馬君實獨樂園詩。有五畝園。花竹秀而野。又

先生獨何事。四海空陶治。俱說名園花竹秀。風流多士賦何如。

陪伊藤公謁太田天神祠

祠在長門美禰郡太田。慶應元年春正月。高杉晋作起兵下關。討

俗論黨。公在晋作幕中。二月與俗論黨戰于太田。大破之。遂入萩。

誅其渠魁。長州藩論復定。此戰高杉兵據祠境內。敵襲擊甚激。祠

扉今猶見彈痕。今茲明治三十三年夏。公歸于萩。路宿于太田。謁

祠。予從之。聞公親道當時之事而作。

破賊神靈赫在天。朱扉碧樹故依然。太平宰相重來謁。自轉乾坤四十年。

陪伊藤公遊宮島

仙島重遊相國陪。飛樓寶殿更徘徊。非為李郭舟中客。能得蓬萊幾度來。

明治二十一年四月。予陪井上公遊此。故云。

賣宅

我本讀書子。謬為簪組人。功名違晚達。文字感前因。時予不慣乎文字。將買奇禍。賣宅將安

適。騎驢動見嗔。浩歌聊自贈。嗟爾漫郎倫。唐元結號漫叟。又漫郎。

北清

社稷無靈久。安危一婦人。將軍騎白馬。主父倚黃巾。口實資雄國。聲言救使臣。哀哉自招禍。焉得恃和親。

訪白井小介。值醉臥。不見。

仙凡咫尺一溪分。小犬當門護白雲。報道先生眠正熟。隔牆只有鼾聲聞。

小介長州奇士也。嘗為奇兵隊總督。維新後。不出仕。居于熊毛郡平生村山中。性甚嗜酒。飲輒醉臥。醒則讀書。最通於資治通鑑。予行部之次。與郡長市村成美往訪。偶值醉臥。勸令聞鼾聲。家人請喚覺。予止之。遺刺。約重訪而去。無幾小介暴卒。竟不得見。洵為恨事。

月夜泛舟室積灣。灣上山曰峨眉山。

峨眉山月半輪秋。照我扁舟浩蕩遊。能似謫仙豪興否。普賢寺外是滄洲。

玖珂欽明寺

十二年前此路過。重來感慨鬢將皤。舊題零落無人管。一任青山古寺多。

唐人詩。十二年前塵撲面。如今贏得碧紗籠。

鴈來紅

翠佩朱衣立鴈前。不緣霜露借嬋娟。白頭相對任渠笑。那得人生長少年。

胡枝花。贈某

帶露隨風漫地垂。祇應楊柳鬪腰支。如何卻作芙蓉侶。紫蝶黃蜂不許知。

野逕

野逕寒花老盡秋。翠乾粉落若為愁。何來黃蝶多情種。戀著殘香舞不休。

某旅亭有老婢。舊為吉原妓。縣官某所曾識云。

明妃出塞圖

畫手何能誤此身。玉顏畢竟貌難真。君王只愛粉朱色。空作風沙胡地人。

次土方公七十自壽韻

樂聖銜杯志已酬。歸休何必故山頭。知於絡繹拜恩日。想起間關奔難秋。出處平生真學問。府宮一體善謀猷。和公自壽歌公業。寵錫盈門未謂優。

恭讀伐露西亞詔

驕胡敢送死。恟悞恣跳梁。征伐由天子。膺懲令萬方。機先已制勝。名正莫能當。須遣遼東地。重蒙日月光。

鄂羅

鄂羅雖地大。不毛居太半。鄂羅雖民衆。其心惟億萬。妄狃聲形計。驕恣無忌憚。外府視鄰邦。罪惡久盈貫。我皇行天威。出師日月斷。鄂羅古匈奴。固知不欲戰。胡將唯歌舞。胡騎唯善遁。船艦張軍容。一敗唯潛竄。何況王師銳。忠義兼訓練。將士盡一心。誓報十年恨。聖神君王圖。密勿廟堂算。行收

彼侵地。勢如瓠水建。勒銘興安嶺。飲馬黑龍岸。旌旗懸旭日。玄冥始啓旦。遙告西土人。速霑皇化遍。

送姪田中遜爲譯官從軍

君王發詔討驕胡。筆硯從軍亦丈夫。異域山川須努力。壯圖如此古來無。

賀捷絕句三首

皇帝恩宣唇齒虢。鄂羅罪劇虎狼秦。十年遺恨凝忠義。直使天兵若鬼神。誰道春秋無義戰。焉知王者有天威。勝決遼東千里外。捷書日夕不停飛。三道將軍歷戰多。遼陽圍合破俄羅。皇姑墳外追殘寇。太子河頭奏凱歌。

亡友介堂之詩格高筆老沈痛雄渾直逼少陵之室余素所敬服
久而今復一讀益知時流之遠所不及也

敬義記

中田敬義校

昭和八年五月三日印刷
昭和八年五月五日發行

(非賣品)

東京市荏原區中延町一〇一
著作兼 山下 巍 八郎
發行所 東京市神田區五軒町一四
印刷人 藤田 俊 一

美妙社印刷所

終

